

故宮博物院
珍本
纂刊

廣東府州縣志

共二十三冊
第十五冊



故宮博物院編

海南出版社

故宮珍本叢刊第 180 冊廣東府州縣志第 15 冊(共 23 冊)

故宮博物院編

惠來縣志

香山縣志

新會縣志

高明縣志

鶴山縣志

第三冊(共三冊)

海南出版社

圖書在版編目(CIP)數據

故宮珍本叢刊,第178~180冊,地理.都會郡縣.廣東,[雍正]惠來縣志、[乾隆]香山縣志、[乾隆]新會縣志、[康熙]高明縣志、[乾隆]鶴山縣志/故宮博物院編.-影印本.-海口:海南出版社,2001.4

ISBN 7-80645-980-4

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06845 號

故宮珍本叢刊第 180 冊

廣東府州縣志第 15 冊(共 23 冊)

[雍正]惠來縣志 [乾隆]香山縣志 [乾隆]新會縣志
[康熙]高明縣志 [乾隆]鶴山縣志

第三冊(共三冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:30.25 印數:1-400 冊

ISBN 7-80645-980-4/Z·61

定價:5000 元(廣東府州縣志 52 種共 23 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

新會縣志卷之十一

藝文志

文者載道之器也易曰觀於天文以察時變觀於人文以化成天下自唐虞三代以來治曰文治教曰文教詩書所載聖賢所稱未之能易也新會號海濱鄒魯文章代不乏人公餘披覽如入圖書琬琰之藏而陳周彝漢鼎犧罍雲壘於其間可不謂盛焉但士君子操觚染翰將以紹白沙之絕學則必務爲毛董而不爲鄒枚爲陶杜而不爲徐庾溫

新會縣志

卷之十一

藝文

李庶幾其有得乎志藝文

文

贈戴履常考績序

男邑人 黎 貞

管子理魚鹽齊國富強吳王煮海利賦財甲天下鹽之利亦大矣廣乃揚州南域厥土惟塗泥厥田惟下下厥賦上上錯田最下而賦不薄者人工修也尉陀劉隱資之以霸國是則天下富強地非獨齊與吳也然利而以義則害不作利而非義則害必生若此者何天理人欲間不容髮以義而利乃王政之先舍義



言利如乘羊孔僅之徒取民盡錙銖其爲害亦大矣古以俗吏稱之不虛也惟劉晏陳恕天性明敏負經濟之才故能足國裕民馳譽後世又豈俗吏之所能爲廬陵戴履常世以儒爲業義利之判講之非一日矣暨來蒞政於姓崗已兩歷天官考課最履常蓋能用賴以足非苛虐取民計較毫釐以致之也余居新會去姓崗僅百里與履常會再四見士多器其材民多頌其德余竊自喜曰古今理財者鮮有得令譽而

新會縣志

卷之十一

藝文

二

斯人任一命官居最爾地聲名籍籍若此使總天下財必能足國裕民如劉晏陳恕可知矣余又聞事有得失民有利病國家計言之士皆可言新會虛徵糧千有奇深山窮谷有罟網之課此皆弊政之大者履常思與其民解倒懸嘗欲言之今聖明嗣大寶愛民之仁厚民之生屢形詔勅履常人觀正其時也宜悉爲敷陳皇上聽之信之舉而行之是子以大義利國家不以小利傷大體異日所就其可量乎無俾新會民稱曰俗吏余日望之

贈湯祖蔭南歸序

黎貞

新會湯祖蔭採山獲異石走萬里獻闕下九重嘉之恩賚優渥里人龔舜應時待銓天官欲得余言張其美乃偕祖蔭來語余曰石之所以異者元白爲資溫潤如玉趾平頂銳羣峯矗矗高不踰咫尺之盈掬中璽明珠光瑩奪目余曰石誠異矣然朝廷之賞祖蔭非以是也嘉其心之誠焉耳矣方今萬國執玉九夷貢琛奇珍上瑞駢臻畢集何有於此石且聖人所寶惟賢何貴拳石之異者顧念祖蔭海隅一氓生際昇

新會縣志

卷之十一

藝文

三

平耕食鑿飲以遂其生仰事俯育以順其情天良所發思圖報德恨無以將誠久矣一旦遇茲異石於寂寞之野自以爲天造地闕待時呈露爲國家之美瑞而足以將此誠也與昔人負暄而適欲以獻於君者將何以異日月無私洞照情悃此天澤之所以下霈也祖蔭回鄉里刲羊醺酒召族人故舊相與榮君賜必有豔慕祖蔭之爲而恨無祖蔭之獲者爲我語之心苟誠焉無庸物也賢者進言愚者効力皆足以報德而受賜祖蔭倡伊誰和之厥美而張余有巨筆既

爲大書特書又當不一書之

送鄧士齊之教貴縣序

黎貞

予歸自襄平未期月岡泮生湯應璧劉源犁舟抵穗城袖手卷造吾廬揖而言曰丙午秋聞凡取士若干吾邑鄧士齊氏第居前列今年赴春官領廣西貴縣教促裝就職敢請先生一言以贈之余感然曰貞也居塞外手不方冊目不俎豆者十載餘古人有言聰明不及於前時道德有負於初心貞之謂也今二子遊上庠師巨儒種學積文非復吳下阿蒙廣文黃先

新會縣志

卷之十三

藝文

四

生學奧德崇爲東南冠子不之請而謀及區區者何耶二生曰黃先生已序於前先生鄉之先進應璧等不遠數十里求一言不可得乎予旣辭不獲乃謂曰昔寇準社稷器弱冠及第未幾位宰輔識者惜其太蚤故進銳退速晚發有成理勢然也今皇上深知育才之方凡進士釋褐年少質美者咸試以教職挫其飛揚勇銳之氣培其昂霄聳壑之才爲異日棟梁具斯意豈淺淺哉如鄧子士齊年甚富志甚銳剴繁治劇非不能也發奸摘伏非不敏也攬轡澄清非無其

志也撫字宣化非乏其才也然舍此就彼得無意乎
惟沈潛以蓄其德惟敦學以富其業植剛起懦以強
其才去奢節欲以固其志則異日居大任決大事體
立用行明乎道義無所疑配乎道義無所懼矣若出
函丈垂絳帳立諸生執經問難設俎豆陳鍾鼓諸生
演儀習禮孜孜於修文游藝灑掃應對之節此則士
齊講之素而學之裕矣奚容予贅子歸請以予言質
諸廣文先生以爲何如

剛辯

黎貞

新會縣志

卷之十一

藝文

五

酷吏以卞急殘忍爲剛世俗不察見其行事果決庶
務夙成皆曰剛吏也嗚呼是暴而已矣剛云乎哉夫
剛美德也剛則無慾不挫其志不屈於物雖褐寬博
而不憚千萬人而吾往剛之體段如此若卞急殘忍
者外則刻剝以張其威內則貪肆以遂其奸其可謂
之無慾乎善事上官惟命是從可謂之不挫不屈乎
易曰天行健君子以自強不息夫行健天之剛也自
強不息君子之剛也天人一理知天之剛則人之剛
亦可知故意倏則志不充質弱則行不篤心懼則守

不固是皆無剛以主之如公孫宏張禹孔光胡廣之
徒是也若夫臨威武之勢刀鋸在前鉅鉞在後抱理
不屈死生不易節如汲黯蘇武朱雲段秀實之流庶
足以當之矣今區區之徒役其小智以苛刻爲明以
辦事爲能卽孔子所謂民賊柳公綽所謂奸吏舞文
溫舒所謂刻木不對而今皆以剛稱之何哉夫不識
剛之爲剛而以暴爲剛此其所以失人也故不可不
辯

皇都大一統頌 有序

邑人 鄧林

新會縣志

卷之十一

藝文

六

永樂十八年北京宮殿成明年春正月甲子朔皇上
祇率羣臣告於天地宗廟社稷御明堂受萬方朝賀
頌聲交作臣草茅下士不足掄揚盛美顧不勝螻蟻
微衷謹撰四百一十六字拜手稽首俯以獻其詞曰
天作神京山河鞏固聖皇宅之永隆寶祚大明啓運
定鼎金陵皇上繼統再營北京維彼金陵俯臨淮甸
龍飛渡江洪基肇建維此北京冀域堯封龍潛舊邸
玉氣所鍾昔在太祖心存北顧允惟聖皇是簡是付
聖皇文武謨烈祇承聿追來孝聿觀厥成歲在丁酉

中營室正於四方元龜告吉工師効力山川獻材
方和會庶民子來爰法天經爰因地義斷自宸衷
奉由舊制廼營三殿三殿堂堂乃立九門九門將將
乃築園丘乃除方澤父天母地於焉昭格乃嚴廟社
是市朝規模位置秩焉有條龍樓中吼鳳閣前峙
象城萬雉邦畿千里乃廓阿闔玉戶金鋪奕然壯觀
偉矣宏模府第星羅廬井櫛比萬景一新兩京駢麗
流在辛丑告厥成功元日甲子帝御九重虎衛嚴宵
八報曉而露旗恩絲綸下詔萬國執玉八蠻貢琛

新會縣志

卷之十一

藝文

七

一統臣民同心洪惟聖皇與天合德營此北京
彼北極維北有極環拱衆星維北有京包舉八瀛
洪惟聖皇德廣神武郡縣南交衣冠北固洪惟聖皇
德崇聖文六合爲家一視同仁拜手稽首聖皇萬壽
興王同長與地同久拜手稽首聖皇萬年博厚配地
高明配天日月貞明山河帶礪聖子神孫本支百世
編有紀金石宜鐫臣作頌章永世其傳

乞終養疏

邑人陳獻章

臣原籍廣東廣州府新會縣人由本縣儒學生員應

正統十二年鄉試中式正統十三年會試禮部中副
榜告入國子監讀書景泰二年會試下第成化二年
本監撥送吏部文選司歷事成化五年復會試下第
告回原籍累染虛弱自汗等疾又有老母朝夕侍養
不能赴部聽選成化十五年以來左布政使彭韶右
都御史朱英前後具本薦臣堪克任使吏部移文廣
東選令起程臣以舊疾未平母年加老未能輒行府
縣官吏承行文書日夕催逼不免強起就道而沿途
病發隨地問醫補衰扶羸僅不大憊於成化十九年
三月三十日到京乃以久勞道路前疾復作日復一
日病勢轉增耳鳴痰壅面黃頭暈視昔所染無慮數
倍衆目所觀不敢自誣又於八月得男陳景賜書報
臣等別臣以來憂念成病寒熱迭作痰氣交攻待臣
南歸以日爲歲臣病中得此神魂飛喪仰思君命俯
念親展轉鬱結終夜不寐臣之愚迷實不知所以
自處臣自幼讀書雖不甚解然於君臣之義知之
久矣仰惟我國家教育生成之恩陛下甄錄收采不
遺微賤之德至深至厚於此而不速就以圖報稱於

新會縣志

卷之十一

藝文

八

一非其情有甚不得已者孰敢務虛名飾虛讓越
 越進卻於日月之下以冒雷霆之威哉臣所以一領
 鄉書三試禮部承部檄而就道聞君命而驚心者正
 以此也緣臣父陳琮年二十七而棄養臣母二十四
 而寡居臣遺腹之子也方臣幼時無歲不病至於九
 齡以乳代哺非母之仁臣委溝壑久矣臣生五十六
 年臣母年七十有九視臣之衰如在襁褓天下母子
 之愛雖一末有如臣母愛臣之深者也臣於母恩無
 以爲報而臣母以守節應例爲府縣所白已蒙聖恩
 新會縣志 卷之十 藝文 九

天匹婦不獲其所者則臣之微亦豈敢有所避而不
 獲自盡哉伏望聖明察臣初年願仕之心憫臣久病
 思親不能自己之念乞放臣暫歸田里日就醫藥奉
 侍老母以窮餘年俟母獲令終臣病獲痊仍前赴部
 以聽試用則母子未死之年皆陛下所賜臣感恩益
 厚圖報益深雖死於道路無所復辭矣
 上葛侍御書 陳獻章

古岡病夫陳某頓首奉書侍御葛大人先生執事頃
 者廉憲陶公惠書稱執事之命以平後山碑文委僕
 新會縣志 卷之十一 藝文 十

爲之既辭以不能矣恐執事者不察僕之心而以爲
 慢別簡託於東山劉先生白之今者趙知縣自省還
 過白沙復申前命竊計區區之私非但執事與當道
 諸公雖東山亦未之悉也僕請畧言之僕每讀宋史
 至曹彬克金陵一事未嘗不對卷歛衽而嘆趙太祖
 之仁與曹武惠之不伐也蓋自由師以至凱旋士衆
 畏服無敢輕肆克城之日兵不血刃凡所得一十九
 州三兵一百八十縣可謂有功矣武惠視之若無有
 也提至羣臣稱賀太祖泣曰宇縣分割民受其禍攻

匪之際必有橫罹鋒刃者實可哀也命出米一萬賑卹之當是時君不知以得地爲喜將不知以克敵爲功一念好生之仁洋溢上下自秦漢以來未及見也史臣稱武惠位兼將相不以等威自異遇大夫士於塗必引車避之不名下士噫何以謙之至也易曰勞謙君子有終吉武惠有之今後山之役信有功於民矣諸公豈自與耶此賊近之省城民遭其毒者幾年於茲前此有司固有任其咎者矣夫以今日平盜之功補前禦武之不及正相乘除在於仁人君子之心

新會縣志

卷之十一

藝文

十二

視民如傷豈容有彼此先後之間哉夫土之治民當休戚同之故久病者不以得一日之安而棄補羸之劑病僂者不以得一飯之飽而忘終歲之憂執事試求之百姓憂樂之情而忘其在已必能以趙太祖之所存者處民以曹武惠之所存者處功則光明者益光明矣以僕觀於一時聞誠布公未有如執事舍已從人未有如執事樂善忘勢未有如執事以執事之才應天下之務何所不可僕所望於執事者非直以曹武惠輩人爲法姑舉其二事之近似者爲執事言

之耳惟亮之裁之

復彭方伯書

陳獻章

古岡陳某薰沐頓首復書大方伯彭大人先生執事新涼惟白履吉慶去冬林別駕過白沙得執事手書後又得所寄絕句詩具悉雅愛繼又聞諸人執事以謚名污薦尺天官以執事之言爲重亟賜允行近者蒙遣守令降臨衡宇書幣煒煌先後疊至太守執竿宜喻於廷曰是大方伯彭公使某歸陳白沙微幣也同命兢惶罔知攸措執事當世之豪傑也吾黨以執

新會縣志

卷之十一

藝文

十三

事爲模範斯文以執事爲司命廟堂以執事爲柱石執事一頓笑一舉措天下將視以爲輕重取舍甚哉執事之動不可輕也僕本麋鹿之性者也雖少讀書全無抱負中歲閉門惟近藥餌好事相傳類多失實執事徒信人言以爲可用斯名一出士類揚之閭里榮之僕不知何以得此於執事意者方今之俗廉恥未興將以興之歟奔競未抑將以抑之歟不然執事眼高一世必不以天下之望負天下之人也夫天下非誠不動非才不治誠之至者其動也速才之周者

其治也廣才與誠合然後事可成也孔子曰如有用我者其月而已可也三年有成聖人過化存神之妙不可一二窺測天下不動不治動以治之聖人與學者一爾未有不須誠以動不須才以治者也如僕者忠信不修章句爲陋才旣不足以集事誠又不足以動物徒以虛名玷污薦尺進則無益於事徒喪所守以上累執事之明止則人將以我爲固守一節非通於道者亦非所以立大中而奉明訓也二者之慮往來於胷中幾日而後決之子使漆雕開仕對曰吾斯

新會縣志

卷之十一

藝文

三

之未能信開以夫子爲的者也夫子不能使之仕何則人之知已不如已之自知苟未信也師不能強於弟子僕自知甚明惟謹素履罔俾玷缺庶幾邱園之義尙足以少補明時奔競者愧而恬退者勸亦僕所以報執事之萬一也若曰可以仕焉僕不知其可也矧今自汗又作俯仰或過衣裳盡濕此亦郡守所目擊設任之勞事何以堪之伏惟執事察僕之志矜僕之愚而弗強焉幸甚幸甚

雲潭記

陳獻章

白沙之西山則圭峯也東北連數峯最勝者爲綠護屏屏之南有潭淵然曰聖池下蟠蛟龍龍噓氣成雲變化萬狀里生周鎬偕其季京來謁予白沙時維仲春風日晴美予與二子携酒飲於西山之麓班荆而坐仰而四顧有雲起綠護屏炫爛如丹青郁紛若祥瑞予顧謂二子曰是聖池之雲也偉哉觀乎二子愀然正襟侍側曰是吾先子之志也先子居龍溪垂五十年無他嗜好惟喜爲雲潭之觀故先子之號曰雲潭予曰噫有是哉若先子我舊不幸早世不及見若

新會縣志

卷之十一

藝文

古

兄弟長矣若豈盡聞之乎居吾語汝夫潭取其潔也雲取其變也潔者其本乎變者其用乎二子齊應曰然予曰未也野馬也塵埃也雲也是氣也而雲以蘇枯澤物爲功易曰密雲不雨自我西郊是也水以動爲體而潭以靜爲用物之至者妍亦妍媸亦媸因物賦形潭何容心焉是之取爾二子喜相謂曰先生命我矣於是復進而告之曰天地間一氣而已誠信相感其變無窮人自少而壯自壯而老其悲歡得喪出處語默之變亦若是而已孰能久而不變哉變之未

形也以爲不變既形也而謂之變非知變者也夫變也者日夜相代乎前雖一息變也况於冬夏乎生於一息成於冬夏者也夫氣上蒸爲水下注爲渾氣水之未變者也一爲雲一爲渾變之不一而成形也其必有將然而未形者乎默而識之可與論易矣二子於是起而再拜乞書爲雲渾記

厓山全節廟碑記

陳獻章

世道升降人有任其責者君臣是也予少讀宋史惜宋之君臣當其盛時無精一學問以誠其身無先王

新會縣志

卷之十一

藝文

五

政教以新天下化本不立時措莫知雖有程明道兄弟不見用於時述其所爲高不過漢唐之間仰視二代以前師傳一尊而王業盛歟歟既出而世道亨之君臣何如也南渡之後惜其君非撥亂反治之主雖有其臣任之弗專邪議得以間之大志弱而易撓大義隱而弗彰量敵玩愒圖計日非往往坐失機會不能成恢復之功至於善惡不分用舍倒置刑賞失當怨憤生禍和議成而兵益衰歲幣多而民愈困如人病之人氣息奄奄以及度宗之世則不復可藥爲之

新會縣志

卷之十一

藝文

六

掩卷出涕不忍復觀之矣孔子曰人之生也直罔之生也幸而免斯言也其天下國家治亂之符驗歟宋室播遷慈元殿草創於邑之厓山宋亡之日陸丞相負少帝赴水死矣元師退張太傅復至厓山遇慈元后問帝所在慟哭曰吾忍死萬里間關至此正爲趙氏一塊肉耳今無望矣投波而死是可哀也厓山近有大忠廟以祀文丞相陸丞相張太傅宏治辛亥冬十月今戶部侍郎前廣東右布政華容劉公大夏行部至邑與予泛舟厓門弔慈元故址始議立祠於大忠之上邑著姓趙思仁請具土木公賁之予贊其決曰祠成當爲公記之未幾公去爲都御史修理黃河委其事府通判顧君叔龍甲寅冬祠成是役也一朝而集制命不由於有司所以立大開愧類俗而輔名教人心之所不容已也碑於祠中使來者有所觀感云

送李世卿還嘉魚序

陳獻章

宏治元年戊申夏四月湖廣嘉魚李承箕世卿襄糧南望大庾嶺沿道歌陞入南海訪予於白沙一見語

合意先是五六年予會都憲公之子承恩於北京承恩世卿從弟也示予以世卿之文出入經史跌宕縱橫筆端滾滾不竭動數千言沛然出之若不爲勢利所拘者予時未識世卿而知世卿抱負有大於人既不忘於心亦時於詩焉養之或聞論當世士有文章必問曰如李世卿否然又意世卿少年凌邁高遠則有之優游自足無外慕嗒乎若忘在身忘身在事忘事在家忘家在天下忘天下世卿未必能與我合執知世卿有意於來耶自首夏至白沙至今凡七越月

新會縣志

卷之十一

藝文

七

中間受長官聘修邑志於大雲山下五十餘日餘皆在白沙朝夕與論名理凡天地間耳目所見聞古今上下載籍所存無所不語所未語者此心通塞往來之機生生化化之妙非見聞所及將俟世卿深思而自得之非敢有愛於言也時時呼酒與世卿投壺共飲必期於醉醉則賦詩或世卿唱予和之或予唱而世卿和之積凡百餘篇其言皆出於性情之真非有意於世俗之贊毀至是世卿以太夫人在堂辭去欲留不可爲古詩十三首別之諸友相繼有言世卿歸

以所聞於予者質諸伯氏茂卿登大匡山陰弄赤壁之風月予所未言者世卿終當自得之世卿之或出或處顯晦用舍則繫於所遇非予所能知也予老且病行將采藥於羅浮四百三十二峯以畢吾願世卿能復索我於飛雲之上否耶序以送之

道學傳序

陳獻章

自炎漢迄今文字記錄著述之繁積數百千年於天下至於汗牛充棟猶未已也許文正語人曰須焚書一遭此暴秦之跡文正不諱言之果何謂哉廣東左

新會縣志

卷之十一

藝文

大

方伯陳公取元所修宋史列傳中道學一編鑄板與同志者共之宋史之行於天下有全書矣公復於此留意焉噫我知之矣孔子曰十室之邑必有忠信如邱者焉不如邱之好學也後世由聖門以學者衆矣語忠信如聖人鮮能之何其與夫子之言異也夫子之學非後世人所謂學後之學者記誦而已耳詞章而已耳天之所以與我者固懵然莫知也夫何故載籍多而功不專耳目亂而知不明宜君子之憂之也是故秦火可罪也君子不諱非與秦也蓋有不得已

焉夫子沒微言絕更千五百年濂洛諸儒繼起得不傳之學於遺經更相講習而傳之載於此編者備矣雖與天壤共敝可也抑吾聞之六經夫子之書也學者徒誦其言而忘其味六經一糟粕耳猶未免於玩物喪志今是編也采諸儒行事之迹與其論著之言學者苟不但求之書而求諸吾心察於動靜有無之機致養其在我者而勿以聞見亂之去耳目支離之用全虛圓不測之神一開卷盡得之矣非得之書也得自我者也蓋以我而觀書隨處得益以書博我則

新會縣志

卷之十一

藝文

九

釋卷而茫然此野人所欲獻於公與四方同志者之芹曝也承公命爲序故及之公名選字士賢浙之臨海人先公勿齋先生宰新城遺愛在民公稱其家學

湯氏族譜序

陳獻章

家之譜國之史也本始必正遠邇必明同異必審卑而不援高微而不附彰不以貴易親不以文覆愆良譜也莫不有家也小大異焉莫不有世也升降異焉自吾之世推而上之缺其不可知者存其可知者良

新會縣志

卷之十一

藝文

十

譜也世假譜以存者也譜存之家是名世家修譜者不知世之重也援焉以爲重無實而借之詞吾不欲觀也湯氏邑之著姓也自言其先汴人隨宋南渡居嶺南南雄世遠失傳今以始自南雄遷古岡曰統者爲一世祖統以上無考譜亡於元季之亂續之者唐府伴讀八世孫有容也退菴鄧先生序之正統己巳之秋黃賊起南海一郡騷然賊南攻湯氏之婦馬氏奮謂其夫薄英曰賊且至矣他物易得耳譜亡文獻無徵於是馬氏手挈是編走邑城西北貴奇坑出入水火顛沛極矣譜卒賴以全湯氏之先以儒起家世有顯人序稱伴讀君之賢有自今馬氏又賢也在宋欽州守馬持國賢而有名馬氏幾世祖也其賢蓋亦有自云其子紹端念母氏之賢勞將托以告後之子孫俾咸念之徵字序予惟世家之譜可觀不援不附如湯氏亦良譜也內則賢婦女外則賢丈夫相與修緝維持既亡而復存湯之子孫念之亦允蹈之國史記事畧與家譜同史主勸懲譜勸而不懲不修其世而以譜重君子不重也卒亦不勸而已矣存世者譜

也存而重之譜乎世之重以德譜之重以言德與言
執重重世乎重譜乎在湯氏

送陳公甫南還序

江西狀元 羅倫

白沙先生處南海者二十餘年矣觀天人之微究聖
賢之蘊充道以富尊德以貴天下之物可愛可求漠
然無足動其中者孟子曰飽乎仁義不願人之文繡
周子曰見其大則心泰心泰則無不足無不足則富
貴貧賤處之一也其斯之謂與夫天之生物也人為
貴其予人也心為大以仁居之以禮位之以義道之

新會縣志

卷之十一

藝文

主

以知出之以信成之以配天地以明日月以行鬼神
以流河海以奠山嶽以綴萬物以蕃草木育鳥獸大
行為伊呂窮居為孔孟不其大與孔子曰富與貴是
人之所欲也貧與賤是人之所惡也先生不欲富貴
而樂貧賤獨何心哉見其大而已矣堯舜禹天下大
聖也為天子天下大貴也有四海天下大富也孟子
曰人皆可以為堯舜荀子曰途之人可以為堯為舜
為禹豈其為富貴哉為其大而已矣走而為大者麟
飛而為大者鳳介而為大者龜鱉而為大者龍人而

為大者聖賢飛走鱗介有為大者以人而不為焉亦
禽獸之恥乎趙孟之所貴彼能大之亦能小之非自

我而大者也故大自人者小人大之一時大之君子
不大也小人大之君子六之天下大之後世大之大
曰我也然後可以為大也先立乎其大小者不能奪
可大者獨先生哉先生南歸道金陵諸君各為四韻
詩以別謂余言余顧謂諸君自立其大者予何言

奏立兩廣總督疏

邑令羅會事 陶曾

新會縣志

卷之十一

藝文

主

臣惟兩廣地方自正統年間被蠻賊聚眾流劫廂鄉
攻破城寨燒毀房屋殺掠人財連年屢歲民受荼毒
無所控訴幸蒙朝廷軫念生靈既命將帥總戎鎮守
復命風憲大臣統率其政臣等亦得以展襁褓之才
效涓埃之報故近年以來軍威稍振生民漸安良由
總督得人之所致也自左副都御史韓雍丁憂去後
兩廣軍機政務無人總理彼此背馳賊寇復漸猖獗
况廣東廣西地方聯絡譬猶一人之身不可分拆脫
若軍政分為二塗則如頭目受害雖手足亦不屬運
使况有相捍相護之理哉且如今年二月廣西等處

飛報賊情侵境臣同廣東都布按三司呈請總兵官調軍征勦議論一月之久臣亦不能起程其意豈不以爲賊發廣西非我當先其廣西總兵官又豈不曰賊在廣東刼掠於我無預以此耽誤致被賊人深入境內偷刼地方擄掠鄉村人財一空臣雖督官軍連夜追捕緩不及事故得少失多雖獲微功無以贖其前罪又如方今九月將過兩廣防禦之師遷延尚未出城其所會議又皆彼此背馳而無定論之歸豈有相濟成功之理臣備員風憲職任軍務目擊其事若不具情上聞誠恐失機誤事罪當萬死今將缺人總督情由以聞伏望皇上特命該部查照馬昂葉盛吳正韓雍等事例特敕大臣一員提督兩廣軍務兼理巡撫庶使事務兵權皆有所歸矣

請祀忠烈疏

陶 魯

臣聞自古聖帝明王治天下所以扶綱常立人極者必以顯忠遂良爲先務然不有旌之於既往則無以振之於方來臣伏睹三代而下忠良之臣莫盛於宋宋興三百餘年元馬南牧宋祚乃亡宋亡則中華變

新會縣志

卷之十一

藝文

三

新會縣志

卷之十一

藝文

三

爲異俗衣冠同於左衽開闢以來遂爲非常之變當是之時忠臣義士踰嶺蹈海效死報國者固非一人其間赫赫顯著可與信國公文天祥並列者丞相陸秀夫太傅張世傑二人實佐帝昺與元將張宏範戰死於新會之厓山十萬生靈隨之以盡而宏範磨厓大書有滅宋於此之驕詞忠義之氣所以藹而不伸也幸我太祖高皇帝龍飛在天一掃羶塵以復諸夏豈惟中原臣子之所爲傾戴實古今大義之賴以常明臣復思世傑等旣爲宋臣卽盡節於宋亦其常分未爲獨異惟其寧於中華而死而不污左衽而生立天地之常經明春秋之大義英風偉烈震耀於天地之間而使一代事元之人赧然愧恥此其爲教至嚴而忠爲至大也從前有司失於建議致百有餘年未蒙聖朝褒獎建立祠宇至今海濱或露威靈臣先曾任新會縣卽有志上請願以邊境寇患未寧一向稽闕今又奉命分巡嶺西道經厓山不禁忠義感激謹於本年六月內着令所屬仗義軍民各出備木瓦於張陸死所卜地爲祠緣係旌忠建祠事理未敢擅便如

蒙俞允乞敕該部議覆特賜額榮加封諡量予祭祀時儀行該府縣歲時致祭庶使忠義之靈有依人臣之節有勸世道幸甚

勇敢祠記

陶魯

國家承平日久正統間帥臣失守廣右諸徭始爲邊患延及廣左高廉以東戍守迄無寧歲至天順間民窘甚寢起爲盜雜時守令或暴或罷武夫制勝無術由是充斥所在騷然矣余自景泰甲戌來丞新會至是滿九載將去其民相率以保障乞留於上尋被命

新會縣志

卷之十一

藝文

五

尹茲邑當是時旁邑屢破有唇亡齒寒之憂余乃進諸父兄告之曰賊氣吞吾城矣不備必至若諸父兄願留我必盡發若子弟從我擊賊不然城壘雖堅未足守也諸父兄許諾退卽選子弟之才者甲冑之堅者丁之壯者不日而集先是人心恟恟惟賊鋒之爲畏至是始有固志邑西北當賊騎之衝相地爲要害各有長相險爲長堵置堠火設邏卒以伺賊賊將至一寨有急諸寨畢應凡此所以捍其外也環郭爲城城溝其旁施鐵蒺藜曉夜戒嚴燎火燭天桴鼓如雷

新會縣志

卷之十一

藝文

五

所以防吾內也子弟以技擊相高遇賊輒殊死戰屢破之三數年間危者以安怯者以勇鄰有被賊者恃此以爲應援是豈余之所能哉實由天子威德與諸父兄之教子弟之力也余累遷今秩子弟以功顯者冠帶受祿有差其尤可念者奮不顧身冒險阻觸白刃棄其妻子而死者實衆成化辛卯余巡視至邑俯仰今昔問諸父兄存歿諸父兄咸願作祠以祀之爲請於都憲韓公買地城西造屋三十間正北爲堂旁列兩廡命曰勇敢祠祀於此者通六十五人報死事

游心樓記

東莞林光

羣動不可以不息息之者所以閒之也是故閒歲以冬閒日以夜閒雷以地閒龍以淵閒百蟲以蟄其理然也不閒其心而應天下之務是猶汨泥揚波而求照於水也昔尹和靖初見伊川半年而後授以大學西銘豈無故哉浴沂歸詠夫子與點亦以其無所累而中閒也夫人之心息之極而閒之至足以衆兩閒

而役羣動萬物不足以相撓死生不足以爲變視仁義者猶若拘拘而况於功名富貴耶三江丁君彥誠以名進士來尹古岡既三年爲樓於治第之北以爲遊息之所經始於成化辛丑三月踰二月而落成石齋先生名曰游心樓爲賦五韻詩予過白沙丁君來求爲記予謂令尹天下之劇吏而古岡又嶺南之亢邑其地廣衍其民殷富上厭下訟錢穀出入文書簿會旁午晷至日行於利害之途而涉乎憂患之境使不閒其心應之徒屹屹終日不幾踣於汨泥揚波而

新會縣志

卷之十一

藝文

七

求照於水者哉惜予未及登君之樓然知斯樓北面玉臺山勢聳然日臨於前嵐飛翠滿煙雲景象布滿几席而君問治之隙徜徉逍遙於中其心與白雲相縹緲予又將洗耳重聽歌以觀君所得之淺深也雖然不出蒨屋之下不足以既日月之無窮不挾太空而遊不足以觀山河之有限君其不迂予言請刻諸石

新會縣重修鄉賢祠記

邑人 區越

昔者聖人辯是非之實以榮辱天下也將以懲勸之

而已矣褒當其善而天下以榮榮則勸貶當其不善而天下以辱辱則懲故鄉飲之禮賢者賓享之而不肖者黜焉以教天下也鄉祠之典賢者俎豆之而不肖遠焉以教後世也此皆公是公非榮辱懲勸之所寓聖人轉移世道之大端也國家彰善癉惡尤致謹於鄉飲養老鄉賢祭祀之典百餘年來民風淳正視諸古無愧焉然積漸既久等爲彌文至有是非混淆而不足以示懲勸者識者憂之善山何侯廷仁來辛

新會縣志

卷之十一

藝文

天

其祠宇頽毀慨然嘆曰茲表率士人之基而何以至是耶爰召鄉賢者之後譚善箕陳大機魯孔裔劉應求等經營規畫茸圯爲固易腐爲新不數月間煥然翼然觀者改視善箕等又以侯命礪石徵記用詔邑人越受而稽之按俎豆茲祠者在宋曰馬公持國馬公踰驥伍公隆起在元曰羅公蒙正周公修在國朝曰黎公貞張公揭陳公獻章湯公有容劉公文瑞魯公能陳公經綸譚公律湯公和凡十四人有道學者有文藝者有幽貞者有立朝忠盡者有治郡廉能者